

平谷縣志

元



丙寅冬月

平谷縣志

王溫恭題



北京中華
印刷局印

繼成平谷縣志序

凡覘人國者必先考其沿革察其政治明其山川人物之美惡觀其風俗教化之良窳而後其國之興衰強弱可知矣一國如此一縣亦然今有人焉於其縣之沿革不知政治不講山川人物之不悉風俗教化之不修而謂吾知此縣事焉可乎平谷爲禹貢冀州之域開化最早據盤山之險形勢極優自唐宋遼金以來爲兵家所必爭之地而豐功偉績照耀簡冊者代不乏人至其物產之美風俗之淳

猶其餘事奈何近百年來而奇偉卓異之士不見稱於當世哉余自丙寅孟夏奉鎮威軍團長命來守斯邦當是時也軍書旁午戎馬倉皇于勞軍撫民之餘每欲考其政治沿革渺乎其不可得蓋縣志之失修與夫修而屢輟者不知幾經歲月矣幸邑紳王君濟時關心此事自任收檢殘編慘澹經營不日脫稿舉數百年數十年應修而未修者一旦宛然修成以垂久遠其愉快爲何如也茲於用付剞劂之先爰綴數言以爲序丙寅仲冬東豐陳玉符自識

續修平谷縣志序

平谷縣志創於明隆慶六年重修於萬曆二十年清康熙六年邑長任公在陞復爲釐訂雍正六年邑長項公景倩乾隆四十二年邑長朱公克閱踵事增輯此後失修已一百三十餘載微獨陵谷易處滄桑變遷無由考證而忠義節烈潛德嘉言亦將歸泯泯矧有清末造變政維新迨共和成立國體改革地方政務日見劇繁若學警自治諸端其機關設置之時代組織之職員不有紀述何以昭示來

茲民國五年邑長沈公銓洞鑒及此爰議續修請於尹憲志襄王公深爲嘉許乃延邑紳調查事蹟兆元曾應採訪後以沈公去任未竟全功繼任者李公樹珽奉上令敦促成書復延士紳續輯兆元仍爲採訪而李公旋調永清又中輟後之官斯土者均未關懷邑乘續修之事遂寢焉自清中葉迄今邑之文獻無徵雖屢議編輯而卒未成書良可慨也九年夏月浙省王公沛來尹茲邑有舉墜振衰之志舉兆元會晤之初詢以邑志修至何年遂詳陳之公乃

銳意續修復請尹憲備案置修志局屬以纂修其事兆元
識譎才幹奚足勝任顧自爲採訪留心軼事積有文稿甚
夥又舊志原梓刊殘字跡零落讀之甚難因思補之爲將
來修志基礎時加參閱胸中略具成竹故勉爲擔任焉於
是考諸頽碑斷碣徵之各種書籍將舊志之殘闕補竣其
訛略處亦稍事損益列於新志之前又原有輿圖已不適
用另繪全縣地圖暨縣城圖至是番之續纂非第乾隆以
後之事蹟按類編輯卽從前之事蹟亦加增補三閱月而

葺事兆元於此三月中策蹇調查閉戶校訂焚膏繼晷以
期速竣惟見聞舛陋未能博採遐稽仍待宏達君子復加
蒐輯匡厥不逮是所深幸也並序其緣起作輟以識成書
之不易民國九年十二月邑人王兆元撰於修志局

清訓導李柱明重修平谷縣志序

康熙六年

古有列國史繼爲郡邑志志以紀事也事蓋乘時也時遞轉則事遞新故創於前不可無輯於後期於踵事增華紹明前規也平志起於明隆慶之六年重修於萬曆之二十年迄今蓋七十餘載矧大清定鼎百度維新豈邑乘一書仍蹈舊轍而不思所以纂修之乎雖妙峯瑞屏碣石洵水諸勝跡未之或改然其間戶口之登耗賦役之煩簡與夫賢良循吏忠臣孝子義夫節婦暨水旱稔祥陵谷桑田之

平谷縣志

序

四

變未列史册者比比然兼之字畫剝落多魯魚豕亥之訛編次失倫貽掛一漏萬之謂何以徵文獻而昭來茲則今日者誠釐舊更新之一會也幸邑侯任公以三秦宿儒剖竹盤陰桑下雉矯河陽花秀其循績俱在民口碑間忽於槩心暇暢毅然以修志爲已任適奉有諸上臺纂輯之命公喜而言曰吾願可藉此以成矣因以採集屬之紳衿謬以校勘責諸不慧而訂其簡蔓正其得失易鄙俚爲雅馴悉出公手要以賞賢紕奸信今傳後無失吾尼父春秋家

法而已今一展讀之則見其簡而周詳而整臚列嚴明殊
無剩義嗣是采風者瞭然顛末而無燭前暗後之虞尹茲
者居今稽古而獲調停鈞節之術且使邑之人覽曰若俗
美若俗惡若人正若人邪當必踴躍竦息法戒分途則是
志之用意微立教遠也舉昔七十餘載之曠典一旦增而
完美焉他年國乘昭垂非留錦製鮮鮮耶編諉余固樂觀
厥成爰述其重脩之由公以余爲知言遂弁而壽諸梓

清知縣項景倩補脩平谷縣志序

雍正六年

今天下四海昇平萬邦効順星垂聯璧之祥河獻澄清之瑞苟非德教淪浹聲名洋溢烏能臻此美盛哉聖天子猶不自暇逸勵精圖治賢執政冀得人而事銳志搜羅余以郡博微員謬厠薦牘荷皇上隆恩召見勤政殿天語溫和疊承清問敬陳一得之愚遽獲九重之譽小臣何人能不感激殊遇更爲清慎自矢乎况余才短識庸驟膺民社恐錦難學製覆餗深憂耳幸值蕞爾之隅實掩簿書之拙下

車後披閱邑乘見夫有明一代科甲繩繩且多顯秩暨閱國朝所載不但售槐捷柳者罕有其人卽歲薦恩擢以及忠孝節義之倫亦落落晨星空編白簡將何以傳示來者耶屈指康熙丁未令博諸公踵事補脩至雍正戊申前後六十餘年之久事實概未採錄行懼其湮沒而不彰也微邑紳衿請余亦將整殘續缺謀之剗劂以備一代之徵矧紳衿頻以補脩爲請乎余越疆末士也僻處東南偏境素慕燕趙雷封雖無馴雉遊魚之異頗有脩廢舉墜之心標

功名耶闡德行耶紀文章耶表人物耶非長吏之責而誰
責乎爰出囊俸哀集衆捐總六十餘年中事實備爲採錄
付梓以期毫髮無遺余之志也計向來罅漏一時未能補
綴姑舉其可考者俾後之人見美而法見不善而懲由是
風俗益歸於厚人心益進於醇四海萬邦沐浴昇平之化
翱翔効順之風庶幾報聖天子於萬一耳是爲序

清知縣朱克閱續補平谷縣志紀略

乾隆四十二年

邑之有志猶國之有史也上古結繩而治不可考矣尚書其紀傳之祖乎春秋其編年之宗乎周禮職方氏度天下山川險易戶口阨塞之數畫爲版圖行人採四方風俗上之太史邑之有志與國史等我國朝典重史館官隆總裁欽定明史御纂一統志暨四庫全書典墳邱索無以尚之近奉諭旨考證日下舊聞核實纂輯使天下萬世知皇都閎麗信而有徵凡畿輔州縣星羅棊布無不各因志乘追

尋往蹟遙溯前徽以煥文治之光華蕞爾平邑舊志殘缺未經釐訂康熙六年歲次丁未邑令任公在陞敷陳軼事命工剗劂雍正六年歲在戊申邑令項公景倩復爲採錄付之梓人皆因前明隆慶遺文踵而續之迄今五十年矣愚以中州鄉薦才識謏陋承乏茲邑於課耕課讀勸紡勸織之暇集諸紳士廣爲採擇奈簡斷編殘文獻不足僅卽數十年之文武職官恩拔歲貢籍貫姓名任事考授年月補而增之至於闕則仍闕以俟後之宰是邑者具經天緯

地之才著立海垂雲之概遐稽近考舉元明諸公之餘文
本朝諸公之著述重爲鉅章鴻裁以副我皇上稽古右文
之至意是則愚之所厚望也夫

平谷縣志目錄

卷一地理志

全縣地理圖

縣城圖

分野

建置沿革

疆域

山川

形勝

邊防附

風俗

四時習尚附

城池

公署

郵驛

舖舍附

鄉社

村莊墩堡附

平谷縣志

目錄

一

學校

壇廟寺觀

橋梁

古蹟

陵墓景致附

坊市

國賦志

戶口

田賦

土產

力差

惠政

邊儲附

卷二秩官志

歷任職官

名宦

選舉志

科第

武舉附

貢蔭

封爵

軍官

新政志

學校

警察

自治

會計

商會

平谷縣志

目錄

二

卷三人物志

人物

善人

列女

仙釋

災祥志

地震記

卷四藝文志

文類

詩類



平谷縣地圖

十華里
五華里
二華里
一華里
比例尺一分之十萬




例		圖	
	縣界		縣區界
	大縣界		鎮界
	山脈		縣署
	山脈		區分界
	河流		縣政府
	石橋		縣政府
	古蹟		縣政府
	土城		縣政府

每格代華五里

平谷縣城圖



西



東

南

平谷縣志卷之一

地理志

分野

星象懸於天封域應乎地是故九州所封之域皆有分星焉吾茲平谷其在燕分之星乎地有定域星有定主人事得失而妖祥迅應無毫髮爽敬天勤民者良可畏矣故志分野

前漢書地理志云燕地尾箕分野薊郡之平谷燕之分也

又曰自尾四度至斗六度謂之析木之次 爾雅云析木謂之津釋者謂天漢之津梁爲燕此析木爲燕之分星而幽之星土也 泠鳩州曰如燕在北而配以東方之析木 晉書天文志云尾箕幽燕也自尾十度至南斗十一度爲析木於辰在寅燕之分野屬幽州漁陽尾三費直謂起尾九度蔡邕謂起尾四度 唐天文志云尾箕析木津也初尾七度餘六千七百五十秒中箕五度終南斗八度應上谷漁陽等郡

建置沿革

封域之畫存乎制沿革之變因乎時平谷自漢隸于漁陽郡其來遠矣而封割徙置隨代而殊要勢使然也故志建置沿革

平谷在薊州城西北九十里當盤山之西北古亦名盤陰郡按禹貢爲冀州之域有虞時屬幽州漢以封盧綰高帝十二年綰亡始名平谷縣屬漁陽郡後唐廢爲大王鎮金復爲平谷縣元初併入漁陽縣尋復置平谷縣隸薊州明

因之編戶一十三里曰辛寨社鹿角社獨樂社坊廓社曰勤屯漣民屯泰務屯祖務屯高村屯安固屯廣成屯負廓屯廣儲屯成化八年併爲七里曰辛寨社鹿角社獨樂社坊廓社泰務屯曰勤屯負廓屯清乾隆八年以平谷縣直隸順天府兼屬霸昌道民國元年以順天府爲特別區域更名京兆屬縣凡二十平谷其一也

疆域

昔禹敷土以別州境奠高山大川以表州鎮而疆域之制

以興平邑東西南北相距不滿五十里而其疆域亦當區以別焉使有定守而不相侵越故志疆域

平谷東北南三面皆山中地勢平坦舊名漁陽者以舊屬漁陽郡治也

正東距城四十里至嶧山集偏西南三十五里至新開峪由山路達漢店子卽薊縣北界

正東南距城二十里至大嶺偏東距城三十里至白土嶺暗峪寺又偏東距城四十里至石塘峪皆與薊縣連界

正東北距城二十里至文家莊三十里至白雲寺偏西距城十八里至峨眉山營皆與薊縣連界

正北距城十五里至瑞屏山偏東距城二十里至漁子山又偏西二十五里至蕭家嶺黑窩子北土門皆與密雲縣連界

正西北距城二十里至下箭務偏南十五里至蓮花潭十二里至城子莊皆與三河縣連界

正西距城十里至魯各莊偏北距城十里至白各莊偏南

距城十里至周村莊又偏南距城十五里至西鹿角莊西
皆與三河縣連界

正西南距城十一里至 霰莊又自 霰莊西南三里至
趙家務莊窠又西南三里至高家莊共十七里皆與三河
縣連界

正南距城十二里至青龍山偏西距城十五里至辛店南
莊窠又偏東距城十五里至望京山南拉鞭溝皆與薊縣
連界

東西廣五十五里南北袤二十五里東北西南亘四十七
里西北東南長五十里自縣西至通縣一百里至北京一
百四十里至保定五百里正南偏西至三河縣四十里東
南至盤山三十里由三河縣北轉東向段家嶺又向邦郡
之大路九十里正東至黃崖關八十里東北至將軍關六
十里西北至密雲縣九十里至懷柔縣一百里正西至順
義縣九十里

山川

易曰天險不可升也地險山川邱陵也王公設險以守其國山川之險固爲國者之所重也平谷羣山毓靈平川競秀有足稱焉故志山川

漁子山

在縣東北十五里形如大塚上有軒轅廟

瑞屏山

在縣北二十里連峯秀列如屏上有石臺下有興隆寺

妙峯山

在縣東北二十五里峯巒秀拔下有九姑泉

泉水山

在縣南八里下有泉逆流河發源處也灌田數十頃民賴其利有村曰稻地

峨嵋山

峯巒秀起雙蛾如畫

平谷縣志

卷一

五

靈泉山

山有湧泉灌溉田園民利賴之號爲靈泉故名山麓有龍王廟右側里許有興善寺一名水峪寺

栢山

在縣東北二十里

峴山

在縣南二十里上有龍潭歲旱禱雨取水於此

鷄足山

在縣東北四十里下有三泉寺

暗峪

在縣東南二十里許有龍泉寺

竭山

在縣東四十里峯巒峭峻林谷深邃上有雙泉寺

城山

在縣東北五十里四山高聳中平如城有石室僅容一人棲臥俗傳孫真人修道處

盤山

一名盤龍山在縣東三十里高二千餘仞周百餘里勢磅礴而盤桓峯巒疊聳峯然排空亦勝槩也邑名盤陰以此

氣鼓嶺

在縣南十五里山形如鼓上有孔每旦雲氣浮山故名

楊各莊河

在縣東南三里源出龍家務西流入于洵河

洵河

即周村河俗呼為錯河源出懷柔髻髻山入平谷西北境下與洵河相會

馬莊河

在縣東三里源出海子莊入于洵河

獨樂河

在縣東北二十里或伏或見斷續無常至瀝津莊車復湧出流入于洵河

逆流河

一名小碾河在縣南發源泉山下西南流九十九曲入于洵河

洵河

在縣東北源出口外入薊之黃崖口廣漢川俗稱頭道河迤邐西流入平谷境逕紅石坎又西七里逕韓家莊南又三里逕洙水莊又五里逕獨樂

河鎮獨樂河北來注之西流逕峯台瀝津等莊由城東門外與馬家莊河合流逕西高村東西鹿角等莊入三河境至寶坻界會於白龍港馬家莊紀年載齊師及燕戰於洵水即此水也

平谷縣志

卷一

六

清溝河

源出縣北五里許杜辛莊後西南流入于洵河

龍泉井

在縣東北十五里明永樂間成祖嘗駐蹕于此因鑿是井故名

紅泥洞

在縣南十五里

靈泉

詳見上靈泉山

龍潭

有二一在縣南大王務二十里一在縣東北龍王廟二十五里

形勝

邊防附

賈誼云形勝之國阻山帶河懸隔千里是故形勝者天下

古今尚焉平谷峯巒萃嶺波流瀠迴且宅田里之上腴疇

平野闊是亦得形勝之一二也故志形勝

邑略

平谷東橫大嶺西峙兔山南瀕洵水北倚瑞屏山明水秀
林壑幽雅足為東北一區之屏蔽

邊防

將軍石營提調統本營 峨嵋山營 黃松峪關 將軍石關

彰作裏關 黑水灣寨 峨嵋山寨俱屬薊州兵備道併馬蘭峪參將所轄

鎮羅關提調統本營 熊兒峪營 南水峪關 北水峪關

平谷縣志

卷一

七

熊兒峪寨 灰峪口寨 漁子山寨俱屬密雲兵備道并墻子嶺參將所轄舊志右列各營職官清初陸續裁撤姑存備考

風俗四時習尚附

書曰俾予從欲以治四方風動又曰黎民於變時雍王制
命太師陳詩以觀民風蓋上行下效之謂風衆心安定之
謂俗變漓為淳其機亦係乎上之人耳故志風俗

四民 邑俗質厚少文尚稼穡崇勤儉鄉鄰相稱如家人
猶有古意士且耕且讀無刁健之習間一有之輒立敗農
力耕而苦無田為富室佃種出倍息故家鮮蓋藏而富室

亦積財不積粟徒仰給於歲冀常稔稍歉收則米價騰貴
貧者無所得食飢困不可言狀工無專業多其能以待求
商則以農隙爲之負販而已城內坐商多山西人精心計
視稍有顧藉者貸以資囊人雖仰給鼻息弗顧也舊時服
食多樸陋近亦或華其衣履酒食徵逐一飲宴動費若干
緡至深山窮谷中亦有不重肉食而重海鮮者孰其以食
時用禮化導之耶

四禮 冠禮之廢久矣匪獨吾邑婚則自問名後初下小

禮如古納采繼下大禮如納徵獨不親迎近士紳家有行
之者衆駭然禮旣成觀者大悅極貧者論財喪娶者士人
亦間有之皆禮律所禁也喪用浮屠說富者延僧道誦經
其法用木偶人象死者囚禁之旣誦經出偶人謂之破獄
至再誦三誦皆然是家愈富而其親之入獄愈數徒爲觀
美而何孝之足云祭用俗節祀先於墓或於寢卽士大夫
家亦鮮有祠以祭者邨各有五道廟或佛寺道觀喪者哭
於是水旱禱於是秋收後演劇賽神謂之廟會此四禮之

大略也乃至父母在兄弟動輒異財女子幼時卽不拜父母既嫁歸寧則其家視如賓客嘻其甚矣疇能不爲習俗囿也

四時習尚 正月元旦初起竈前先具香燭謂之接竈明燎陳盤案拜天地禮百神祀先祖堂中燒避瘟丹放起火響炮爲樂卑幼盛服飾拜尊長爲壽親朋交賀旬日乃止迎春日帖宜春字茹春餅取迎新也 上元節張燈十四日至十六日止放焰火花炮又於十六日土民羣遊過

橋俗云散百病 二月春分日造春分酒 三月寒食曰百五節男女添土於先墓具酒肉祭奠 清明折柳插簷男女戴于首女子有鞦韆之戲 四月八日鄉民或于各廟賽神 五月五日端午節射柳懸艾包角黍相餽兒女輩以色絲繫頸臂名爲百歲索歲旱婦人羣聚洗箕於河求雨澤 六月六日暴衣書及畜水浸物不腐敗 初伏日居民各以麥麵造酒麩 七月七日女子注水漂針窺影樣爲戲謂之乞巧節 十五日中元設麻穀于堂中祭

先祖薦時食謂之鬼節 八月十五日中秋節夕設瓜果
于庭院坐待月華供畢羣飲爲樂謂之賞月 九月重九
日登高製花糕相餽釀菊酒 十月朔祭祖宗剪紙爲衣
焚之謂之送寒衣 十五日滌場散農作 十一月冬至
祀先拜尊長如元旦儀官府則賀冬民間不稱賀 十二
月初八日作臘八粥雜以米豆黍果爲之 二十三日暮
祀竈神謂之送竈品用糖餅 歲除日帖春聯換門神桃
符立天燈至夜明燎爆竹祀先祖祭畢卑幼各稱觴爲父

兄尊長壽圍爐聚飲曰守歲

城池

夫城池者捍外衛內保國安民之大防也是故築斯城鑿
斯池與民固守而弗去孟子嘗以之告滕君矣使城池修
濬則外侮不侵二者罔備則民焉恃以無恐居責任者可
不時加修濬以壯威而弭患乎故志城池

縣舊有土城形制低狹成化丁亥巡撫閻公本委營州右
屯衛指揮袁忠增築之城高二丈五尺址廣三丈五尺頂

殺址三之二周圍六百丈包以磚石塹闊二丈五尺深半
之值歲既久漸以傾壞嘉靖壬午歲盜入城中如邱墟然
巡撫孟公春迺命兵備熊公相督營州中屯衛指揮季勳
重修完固後未幾癸亥冬果有寇馬奄至城下知縣任彬
資以守禦得不陷寇既引去彬請於監司爲扞圉久計時
總督軍門劉公燾撫院溫公景葵按院董公堯封屯院秦
公嘉楫關院陳公省兵備張公守中咸有金穀助焉彬又
自理百餘金爲士民倡邑衆翕然輸財效力輿石燒磚撤

舊城而新之增築五尺俾益崇又于城四門各豎以樓額
東曰挹盤西曰拱辰南曰迎洵北曰威遠城隅增舖舍四
又濬其塹沿塹悉植以柳城峻池深屹然矣顧裏口單薄
壕尚淺隘隆慶二年知縣瞿聽復督民工挑濬壕池比舊
又深丈餘闊亦半之封築城牆裡口堅厚近丈修砌堞口
東西二門增置吊橋常則使人往來變則撤去防守各門
按置五方旗號工竣捐俸勞民卽今迥出諸縣之冠民皆
忻然有固守弗去之志矣

公署

平谷密邇京師逼近關隘而軍衛錯置其間最為重地且設官分職必有公署以安宅焉是以仕於斯者念經始之勞則當思厚享燕居之奉則當思忠毋得畔官離次而莫知所做也故志公署

縣治在東街明洪武初建成化三年知縣郭銘重修

正廳三間東西耳房各一間庫房三間在正廳東典史廳三間在正廳西

六房東西各五間大門三間儀門三間戒石坊一座在儀門內建縣劉愛

平谷縣志

卷一

十二

後堂三間知縣馮思忠建倉獄神廟一間預備倉東南北各三間俱在儀門

監房三間在儀門外西知縣公廡在後堂後縣丞公廡在東三房東典史公廡在典史廳西

吏舍在縣丞公廡後申明亭三間在縣門東旌善亭三間在縣門西俱知縣劉愛建陰陽

學在縣治西北今廢醫學在縣西今廢積留倉在縣治西北裁革今廢僧會司在縣治西覺雄寺道會司在縣東南朝陽觀

察院在縣治東洪武九年建嘉靖二年知縣王謙重修正

廳三間後堂五間知縣劉愛添修穿堂一間知縣劉愛建大門三間儀門三

間前後東西廂房共十二間

後察院在縣治北成化年間建嘉靖二十五年知縣王椿

重修正廳三間後堂五間

知縣劉愛添修

大門三間儀門一間前後

東西廂房各二間

營州中屯衛在察院東永樂二年自口外大寧地方移建

於此成化四年都御史閻公本重修正廳三間抱厦三間

左右耳房各一間後堂三間六房東西各三間大門三間

儀門一間經歷司廳三間鎮撫司廳三間左右中前後所

各二間軍器局三間軍需庫三間

以上今俱廢

監房三間

經歷盧寧建

經

歷公廨六間

經歷盧寧建

演武廳三間東西廂房各二間

將臺

平谷縣志

卷一

十三

一座

在縣西門外知縣獎拒建

沙嶺館

舊無上司停驂之館舍知縣劉愛買地一區建庭三間置廁二所門一座

右列各署除縣公署代有重修其察院屯衛各署職官久經裁撤而舊署遺址已杳不可尋故自民國以來而

縣公署仍其舊制云

縣公署

道光十六年知縣葉儁昌重修同治十一年知縣李壽民重修

習藝所

在戒石坊東南光緒三十三年知縣范中信建

監獄

在戒石坊西南民國六年知縣李樹珽重修

蠶桑試驗場

在縣署東光緒三十三年知縣范中信建

郵驛

舖舍附

郵以傳命也驛以厚使也命傳則上下之情通使厚則往來之勞動壅命薄使責有攸歸矣其所係詎不重哉平谷舊無郵驛祇設舖舍以為信使往來止憩之地及清季革新郵政都會大埠遍置郵局而邑始有代辦所焉故志郵

驛

舖舍

在城總舖

在縣治南今廢

高村舖

在縣治南今廢

平谷縣志

卷一

十四

新店舖

在縣治南十里

下箭務舖

在縣北二十里二舖知縣姚湛建

郵寄代辦所

清光緒三十二年始置委商店代辦

郵路

由三河縣至平谷縣四十里

郵差

間日一班

郵票

銷售票額當創設之初全年僅七十餘元厥後遞增至民國八年全年已達三百元

鄉社

村莊墩堡附

邑有鄉有關有社有屯蓋兼成周井地宋人保甲之法而酌行之者也賦稅徭役咸由此出使鄉社之耗乏乃為政

之所深憂者仁人君子尚圖有以寬之故志鄉社

辛寨社 在縣西北

鹿角社 在縣西南

獨樂社 在縣東北

坊廓社 在城

泰務屯 在縣東

日勤屯 在縣北

負廓屯 在縣北

廣成屯 在縣北

村莊

馬家莊^三 張家莊^六 龍家務^六 安固屯^八 黄土崗^八 夏家

莊南泰務^十 中泰務^十 北泰務^十 賢堂莊^十 楊

平谷縣志

卷一

十五

家莊^四 稻地莊^十 大王務^{十五} 寺渠莊^二 小碾頭莊^四

東高村^八 新店^十 西高村^八 霹靂莊^{十二} 高家莊^{十五}

馬圈莊^四 閻家莊^四 東鹿角莊^六 趙家莊^六 西鹿角

莊岳家莊^八 北臺頭莊^九 南臺頭莊^九 周村^十 魯家莊

賈家莊^四 大新寨^八 小新寨^七 白家莊^十 城子

莊放光莊^{十三} 蓮花潭^{十五} 下箭務^{十五} 安駕會^{十五} 井兒峪^{二十}

莊齊家莊^五 羅家莊^八 東胡家務^十 中胡家務^十 宋家

莊西胡家務^十 北管村^{十二} 下紙寨^一 上紙寨^三

橋頭營^{六里} 南歷西莊^{十里} 北歷西莊^{十里} 山東莊^{十五里} 峯臺^{十八里} 南

獨樂河莊^{二十里} 文家莊^{二十里} 北獨樂河莊^{二十里} 甘營^{十八里} 望馬臺^{二十里}

水峪莊^{三十里} 瀦水莊^{二十里} 海子莊^{二十里} 滑子莊^{三十里} 上馬家莊^{三十里} 祖

務莊^{三十里} 上寨莊^{三十里} 新開峪^{四十里} 紅石崖莊^{五十里} 高家堡^{五十里} 以上俱在縣東北境

墩堡

西城墩 小碾頭墩 安駕會墩 羅家莊墩 新店墩

下箭務墩 高村堡 鹿角堡 泰務堡 山東堡

放光莊堡 望馬臺堡

平谷縣志

卷一

十六

按舊志村莊迄今多湮沒變遷姑存備考更就現定自

治區所隸村莊暨距城里數詳細位列如左

第一區

本城 西關 馬各莊^{三里} 王都莊^{十里} 南太務^{十里} 北太務^{十里}

寺渠 下紙寨^{二里} 上紙寨^{三里} 小辛寨^{七里} 齊各莊^{五里} 張各莊

夏各莊^{五里} 大辛寨^{十里} 杜辛莊^{五里}

第二區

甘營^{十五里} 望馬臺^{十八里} 南山村^{三十里} 洙水莊^{二十里} 水峪莊^{二十里} 海子莊^{八里}

新開峪^{三十}里 紅石坎^{四十}里 酸棗峪^{四十}里 東馬各莊^{四十}里 上堡子^{四十}里

上寨莊^{三十}里 半步街^{三十}里 郭家屯^{三十}里 滑子莊^{三十}里 馬家屯^{三十}里 晏家

莊^{三十}里 祖務莊^{三十}里 耿家井^{三十}里 東土門^{三十}里 韓家莊^{三十}里 胡家莊^{二十}里

南獨樂河莊^{二十}里 峯臺莊^{十五}里 北獨樂河莊^{二十}里 東文家莊^{二十}里

第三區

前龍家務^四里 後龍家務^四里 賢王莊^六里 楊各莊^三里 楊各莊窠

安固莊^八里 稻地莊^六里 東高村^五里 西高村^六里 大旺務^十里 大

旺務莊窠^十里 辛店莊^{十二}里 高家莊^{十五}里 霰莊^十里 南臺頭莊^十里

平谷縣志

卷一

十七

東鹿角莊^八里 唵頭莊^四里

第四區

西鹿角莊^十里 北臺頭莊^十里 周村^十里 趙各莊^七里 岳各莊^五里 魯

各莊^十里 賈各莊^五里 白各莊^十里 城子莊^{十二}里 放光莊^{十五}里 太平莊

蓮花潭^{十六}里 下箭務^{二十}里 井兒峪^{二十}里 楊家會^{十五}里 北土門^{三十}里

第五區

前羅家莊^四里 中羅家莊^五里 後羅家莊^六里 王莊^六里 西胡家務

中胡家務^十里 熊耳營^十里 東胡家務^十里 上營莊^{十五}里 大北關

莊十二里 小北關莊十二里 山東莊十五里 橋頭營六里 東瀝津莊八里 西瀝

津莊八里 北寺莊十里 李辛莊十一里 張辛莊十二里 西文家莊二十里

學校

夫學校所以羣士也士所以倡化也學興則士奮士奮則化敦此爲治者之首務而鼓舞振作端有望于任有司職風化者故志學校

儒學在縣治南建於元至元間明成化五年知縣郭銘重修其制淺狹卑陋加之棟宇垣墉率多傾廢嘉靖二年清

戎監察御史熊公榮倡義巡撫都御史孟公春總兵官馬永參將呂昌各助物料兵備副使熊公相督署印縣丞宋澄增拓修理輪奐視昔加美焉值歲旣久復漸圯壤至嘉靖四十年監察御史秦公嘉楫以屯田按縣謁廟迺移所治出其帑所贏以助傭費知縣任彬卜日鳩工又捐俸市材于是舉邑向風慕義富効財貧出力不期月而告成殿廡堂齋煥然一新戟門外鑿泮池甃磚橋其外橫衢豎二坊東曰興賢西曰育才爲一邑之偉觀今俱廢只存遺址

大成殿三間 東西廡各五間 戟門三間 櫺星門三

座 明倫堂二間在殿後 崇德齋二間在堂東側 廣業齋三間在堂西側 啓聖

祠三間在殿東北 敬一箴亭三間 文昌祠三間俱在殿東 教諭公廨

訓導公廨俱在殿西 名宦祠戟門外東 鄉賢祠戟門外西 射圃一所在學東南今廢 社學在縣

治西今廢 乾隆二十七年重修 嘉慶丙子年重修 道光三十

年重修 同治十一年補葺 光緒十五年冬月邑令鍾

公德輔慨然以振興文教為己任勸諭各鄉集資重修捐

廉為倡各鄉皆踴躍樂輸於是偕學正張君銜副學馬君

平谷縣志

卷一

成章共謀營始擇紳士董其事鳩工庀材於翌年二月興

工至七月望日告竣 大成殿三間 東西廡各五間

文昌祠三間 崇聖祠三間 名宦祠三間 鄉賢祠三

間 忠義祠三間 戟門三間 櫺星門三座以上俱拆卸重修 明倫

堂三間傾圮無存重行築建 文昌三代祠三間增修 魁星樓城東南隅舊有奎星樓重行新而高之 教諭

公廨 訓導公廨俱重修

學田 本邑民地四十一畝一分撥補宣化府延慶州代

徵民地八頃十一六畝

學制 清沿明制設訓導一員教諭一員 廩膳生二十名 增廣生二十名 附學生科歲考額人十名 武生歲考額八名歷次恩詔廣額三名不爲例歲貢生間年考取一名拔貢生逢酉年考取一名 自民國成立教諭訓導均裁撤就邑紳公舉奉祀員一人以時奉祀

壇廟

周禮小宗伯之職掌國之神祇其祀典品式秩然弗紊而春秋修舉焉所以崇厥敬而祈民祐也故志壇廟

社稷壇 在城外西北洪武七年建今廢

風雲雷雨山川壇 在城外東南洪武七年建今廢

軒轅黃帝廟 在城北漁子山上

八蜡廟 在縣西南寺渠莊

邑厲壇 在城外正北洪武七年建今廢

眞武廟 在北城上今廢

東嶽廟 在縣西門外洪武年間建正統十年縣丞張鐸重修

關帝廟 在縣西城甕城內元至元年建明成化六年重修

城隍廟

在縣治北洪武年建嘉靖二十年重修

二郎神廟

在縣南寺渠莊

火神廟

在縣城南門外

崔府君廟

在縣東北橋頭營

龍王廟

在縣南寺渠莊

馬神廟

在縣治西

覺雄寺

在縣治西遼重熙十三年建嘉靖八年重修內有僧會司今廢

慈福寺

在山東莊西北至縣十五里正統九年建正德四年重修今俗稱山東寺

平谷縣志

卷一

臨泉寺

在東高村東一里至縣八里大遼時建嘉靖二十七年重修今俗稱高村寺

興隆寺

在瑞屏山下至縣二十里元大德元年建弘治年間重修今俗稱蕭家院

香嵐寺

在漁子山寨南二里至縣二十里金明昌三年建嘉靖二十四年重修今俗稱獨波峪寺

興善寺

在峨嵋山營二里至縣二十里唐咸通三年建正統八年重修寺之東北一里許靈泉山下有泉出焉經流于寺今俗稱水峪寺

白雲寺

在黑豆峪寨北至縣二十五里金皇統四年建明弘治十二年重修今俗稱繼廣寺

勝水寺

在祖務莊東至縣三十五里今俗稱閣兒寺

雙泉寺

在嶧山集東至縣四十里金明昌年建

三泉寺

在上馬家莊東北至縣三十五里金永安二年建

龍泉寺

一在盤龍山西至縣三十里元至正四年建嘉靖二十四年重修今稱暗峪寺
一在北瀝西莊至縣十里元至正四年建嘉靖二十七年重修今俗稱歷西寺
一在井兒峪東至縣二十五里元至正十年建嘉靖二十年重修今稱井兒峪寺

安固寺

在縣東八里

淨寧寺

在西鹿角莊至縣八里金大定二十年建今俗稱鹿角寺

淨嚴寺

在大辛寨至縣八里遼天慶十年建正統元年重修今俗稱辛寨寺

石佛寺

在東胡家務北至縣十里元至正二年建

嶋山寺

在嶋山集東至縣四十里元至正三年建

會雲庵

在水峪莊南至縣三十里永樂二十年建

平谷縣志

卷一

彌陀庵

在稻地莊至縣十里正德年間建嘉靖二十六年重修

朝陽觀

在縣治東南永樂年建內有道會司今改高等小學校

延祥觀

在南獨樂河莊至縣二十里元至元二十六年建

橋梁

夏令十月成梁周制造舟為梁蓋橋梁所以便民行也是

故秦作河橋春秋予之乘輿濟人孟子譏之橋梁亦為政

之急務也因時創修民無病涉惟在有司加之意而已故

志橋梁

東門橋

西門橋

洩水橋

在縣西門外隆慶五年知縣劉愛條陳疏通六渠入於河以除滄潦之患此其一也因通大道故建坊以表之

解骨橋

在縣西北十里

小碾頭橋

在縣南五里

高家石橋

在縣西十五里

龍家務橋

在縣

東五里

魯家莊橋

在縣西十里

城北石橋

在北門外

東河渡

寺渠渡

周村渡

鹿角渡

楊各莊渡

以上各渡口夏

秋之時行人皆有舟楫以便往來至冬十月為梁或板或草次年水漲則撤去

古蹟

陵墓景致附

杜甫過宋玉故宅而作詩以慨蘇子登桓山周覽而援琴以歌凡人于古人之不可見者覩其往蹟輒徘徊不忍捨

平谷縣志

卷一

二十三

去夫信而好古仲尼猶然况其下者乎黍離興悲秋露增感存古之廢正所以著今之興之盛也鑒戒之意良寓于茲矣故志古蹟

石室

在縣東五十里城山

古城縣

在縣西十二里即城子莊

看花臺

在縣南五里逆流河之西相傳金章宗看花于此遺址尚存

望馬臺

在縣東二十里

摩鼓臺

在縣東二十里

發箭臺

在縣北二十里相傳金章宗出獵登此三臺以觀

陵墓

軒轅陵

俗傳在縣東北十五里漁子山下今山上有軒轅廟

漢將馬成墓

在縣東二里有碑

葆真太師墓

在縣東北二十里今獨樂河莊有碑

巨構墓

金節度使在縣南八里有碑

金花公主墓

在縣東三十里上馬家莊俗傳金章宗女葬于此其墓兩山相抱從崖口鑿石穴繞四銅環棺木懸空引海子水流入于內其深莫測至今捕魚者猶或見之

張格墓

金轉運使在縣北八里

平谷縣志

卷一

二十四

張伯道墓

元都元帥府經歷

張居仁墓

元奉訓大夫在縣東北十五里

張仲文墓

元奉訓大夫在縣東北十五里

張德溫墓

元進士在縣東北十五里

金純

明布政使

金濂

運使

墓

在縣城北門外

張墓

禮衾

明僉都御史在縣西北七里洳河西岸

王鏜墓

按察副使在縣西賈各莊東南

倪光薦墓

明工部尚書在縣城西北

倪氏祖墓

在北門外西偏與金氏墓相望有諭祭碑翁仲石獸

王札墓

清陝西靖寧州知州入忠義祠在峯臺莊南里許高坡上有諭祭碑

王國璜墓

都司經歷在縣北十五里放光莊南盤龍港有墓表及崇祀鄉賢碣

以下係客籍

楊春墓

在城西北半里許明營州中屯衛世襲指揮同知原籍湖州府人至其七世楊嘉猷立石表墓

牛坤墓

在縣東河東原籍天津人嘉慶年徙居城南官翰林院侍讀學士雲南提督學政

徐壽朋墓

在城北三里保陽人清光緒年出使韓國大臣欽加外務部左侍郎

景致

平谷縣志

卷一

二十五

盤陰積雪

洵水晚渡

峨眉聳翠

石室清風

獨樂晴波

鼓頂朝雲

靈泉漱玉

峯臺夕照

縣東北四十里有雞足山中峯南向而高聳左右連屬兩山東西相向形如雞足故名南北約一里許東西半之山前三面生栢稠密山下有寺寺前泉水雜出而三泉獨大因以名寺衆泉匯流自寺前至南山口彌望汪洋水石相激潺潺有聲山口之東地名黃草凹復有泉水一股與山口之水匯而西流即成巨川有水碾數盤迤南又有橫山

遠照誠一方之勝境

縣正東三十里有鳳凰山在滑子莊之西南一峯特聳高約一里上有藥王廟每歲五月之朔居民演劇酬神香火稱盛

縣東北二十里有興善寺俗名水峪寺殿宇凡六層正北山坡高處建大悲閣奉千手千眼佛像高與閣之後簷齊約三丈左右側立像高半之東西牆塑諸天像皆高三尺牆面皆滿北牆塑懸山分十八洞洞塑羅漢一閣上一層

正北及東西牆皆塑小金佛高七寸三面皆滿相傳名千佛山閣前山坡下建眞武殿又前爲地藏菩薩殿殿內貯經十二櫃又前爲臥佛殿又前爲如來殿殿前東西置配殿依東配殿置鐘鼓樓懸銅鐘又前爲金剛殿又前約數丈有山門三座四圍環以牆垣牆之東爲禪院正面依北山坡有樓五間東西禪舍各三間南房五間寺址廣大殿宇宏廠遠近寺院未有過者寺東一里有龍潭水勢滄湧依山坡而西一股入寺中自僧舍流至臥佛殿前穿西牆

而出一股由寺外山門前屈曲環流映左右遠近傍水依山間多茂樹夏秋間頗有佳趣寺西一里餘有山高約二里頂上興隆寺建碧霞元君殿其後建玉皇殿山半有觀音廟又前爲山神廟其下爲回香庭其南建戲樓歲四月十八日演劇爲廟會遠近男婦攜酒而遊者紛如螳聚東西山麓幾無隙地

邑西北二十里山勢高聳四圍環抱如城郭惟東南山口通路山中地勢平坦東西寬一里許南北半里許相傳

舊有尼庵西山角下有龍潭水勢淵深有幼尼出行汲忽內急而溺於潭側潭中龍因有人道之感孕而生女棄之山陬鄰村蕭姓者憐而養之長而韶秀聰慧後入遼宮爲后主卒子幼后卽專政遂有蕭太后之稱至今其地名蕭家院中有僧廟惟遺元碑一皆蒙古文土人莫之能識蕭家院之西南距城十五里山勢二峯比連如髻舊名雙髻山高約里半許山頂有王母廟歲三月三日俗傳王母蟠桃會因演戲以祀香火雲集

城東北山東莊之西有山崗阜隆然形如大塚相傳爲軒轅坟然無實錄可稽眞贗莫辨上有軒轅廟亦不知建自何代鄉人言其上多蠍每啟一石或一二或三五不等嘗考漢武元封二年北巡朔方還祭黃帝塚又唐陳子昂有軒轅臺詩北登薊邱望求古軒轅臺應龍已不見牧馬空黃埃尙想廣成子遺跡白雲隈朔方北狄也古薊相傳在京師西南五六里乃唐之薊縣非今之薊州也此山距京東北百餘里或當時所祭所詠者卽其處歟要亦非無因

耳邑北二十五里北土門村居山谷中村東南山下有地穴焉牧兒或測其淺深刈葛繫石縋使下葛盡復續終日而葛直無稍曲或投以石聲始鉅久之漸遠漸微訖無聲而止有風自穴出習習然牛羊誤墜無得出者蓋無底谷也乾隆間村有乞者至爲山東人因其年壯勸使爲傭殊強橫醉後稍忤之詈且毆無敢禦者會中秋乞者被酒聞穴之異以膽自負欲縋而探之阻之不可自縛長縋於腰而繫其一端於棘上緣而下未半而縋斷以墜不知所終

邑東北距城三十里有白雲寺俗名濟廣寺居衆山之間南五里至山南黑豆峪寨鄰薊州界東至東嶺八九里亦薊州界北界長城西十餘里山谷連綿奇峯疊聳與興善寺之北山相連高者岌然低者洼然望之皆深秀而蔚然寺中有古柏五株翠秀參天寺前有泉咽而不流取之不竭山四圍草木叢茂春夏間山鳥爭鳴野芳競秀入寺中其幽僻清靜之趣令人心神冥合萬慮皆空亦邑之異境也寺創自金皇統四年明弘治年間重修清初亦加修補

邑正南偏東有山名望京山高於衆山其頂平垣天氣晴朗時登之能望見京師其山在安固莊之南

邑西南七里西高村莊後洵河之北岸有白馬泉形如大池水勢上湧咽而不流如人緩步禁聲而至泉水上湧亦不甚急如大聲急呼或頓足而咳則水勢洶湧騰起如沸湯或投以石浮而不沉仍湧至岸舊傳泉中有白馬恒夜出食禾稼人逐之輒入水不見今則泉水清淺白馬亦杳然無迹而泉之名尚仍舊云

坊市

易演義曰坊方也言人所居之里以爲坊也風俗通曰市恃也言交易而退恃以不匱也是故坊市之設有旌淑勵俗之美焉有通商利民之益焉非徒飾觀聽而已故志坊

市

興賢坊

在儒學東

育才坊

在儒學西二坊知縣任彬立

振揚威武坊

在察院東

保惠黎元坊

在縣治西

桂林坊

在縣治西南三坊知縣劉愛立

賓賢坊爲永樂戊子科舉人王隨劉源謝迪立

應奎坊爲永樂辛卯科舉人張翥立

登庸坊爲正統辛酉科舉人馬麟立

登雲坊爲正統甲子科舉人黃綬張雲立

雙桂坊三座

一爲景泰庚午科舉人金綬金純立

一爲弘治乙卯科舉人張檉張禴立

一爲弘治辛酉科舉人金澄金濂立

步蟾坊爲景泰庚午科舉人宮塘立

步月坊爲景泰癸酉科舉人吉俊立

冲霄坊爲成化乙酉科舉人賈宗鏞立

飛騰坊爲成化戊子科舉人曾鎔立

登瀛坊四座

一爲成化辛卯科舉人張立鑄

一爲弘治甲子科舉人賈眞儒立

一爲正德庚午科舉人張雲衢劉宗儒唐相立

一爲正德癸酉科舉人王銳于堂王世安立

奪錦坊爲成化丁酉科舉人倪恩立

青雲獨步坊爲成化癸卯科舉人郝瑄立

文奎坊爲成化丙午科舉人劉永堅張瑁立

解元坊爲弘治乙卯科舉人張檉立

恩榮坊十一座

一爲正統丙辰科張溥立

一爲正統乙丑科黃綬立

一為景泰甲戌科金純立

一為成化戊戌科張鎧立

一為弘治庚戌科譚昇立

一為弘治己未科張禴立

一為弘治壬戌科張禴立

一為弘治乙丑科王鏜立

一為正德辛未科金濂立

一為嘉靖壬辰科范愛立

平谷縣志

卷一

三十二

一為嘉靖辛丑科賈鶴年立

洩水橋坊

在縣西門外知縣劉愛建

集市

縣城集市

舊志每月五日十日今增三五八十等日

嶺山營集市

舊志每月四日九日今改每月二日七日

峨嵋山營

集市

舊志每月四日九日今無集市

獨樂鎮集市

舊志無民國六年新立集市每月四日九日十年八月建碑延祥觀中以誌創立顛末

國賦志

戶口

周禮司民掌登萬民之數自生齒以上皆登于版辨其國

中與其都鄙及其郊野異其男女三年大比獻其數于王
王拜受之登于天府重民命也至黃籍率一紀一更造以
驗其生息若夫撫字之方又在司民牧者加之意耳故志
戶口

舊志戶五百五十一戶

口二千四百五十

明季實存人丁五千四百四十四丁自清朝定鼎開除節
年投充並逃亡故絕人丁共四千五百二十八丁實在編

審幼丁并供丁共二千七百三十二丁各則徵不等共徵
銀五百九十二兩九錢四分六厘又歷年編審滋生一千
三百四十一丁奉恩詔永不加賦依雍正二年例攤入地
糧得銀二百一十三兩四錢二分九厘

按民國十一年清查戶口總數

戶一萬零五百二十八戶

口五萬七千四百九十九口

田賦

周禮大司徒經土田而井牧其田野太宰以九賦斂財賄生財足用之義備矣故度田以稅民爲屯以授軍亦不刊之良法也但久則弊生而田者屯者日以困悴若夫調停康濟端有望于司民牧者故志田賦

縣舊志官民田地一千一百五十一頃四畝一釐

明季實存民寄荒地一千一百二十四頃三十畝六分三釐七毫八絲內圈投去一千六十四頃八十一畝八分八釐八毫二絲

存剩並清查夾空退斷出民荒地共二百五十七頃四十六畝七分三釐七毫八絲內康熙六年奉文圈去一百三十九頃一十六畝三釐七毫八絲實剩民荒地一百一十八頃二十七畝一分外圈去口西受補地九十四頃五十八畝九分止受補口西地三百一十一頃六十八畝九分又受補任丘縣地二百三十三頃七十四畝九分三釐七毫八絲

實在民荒并受補地共六百六十三頃七十畝九分三釐

七毫八絲各則徵銀不等共徵銀一千二百九十六兩六錢五分九厘二毫五絲四忽七微九纖三沙入塵三埃六渺三漠七糊三吏四須

額外

宮勳籽粒等地共七十七頃四十九畝四分四厘

鎮羅營備荒地一十五頃三十九畝一分

營州中屯衛地七十六頃三十三畝

以上共地一百六十九頃二十一畝五分四厘內沙磧水

衝地共三十八頃五十九畝七分一厘九毫蒙戶部差口滿官查明開豁訖外存剩地一百三十頃六十一畝八分二厘一毫蒙部差艾滿官圈給鑲黃旗下耿莊頭等訖至民國八年按徵收總數

民糧地六百七十頃零三十畝 分 厘額徵銀一千二百六十兩零二錢二分八厘

墊差地六十四頃額徵銀一百九十二兩

新墾地二十九頃五十畝額徵銀五十五兩二錢五分四

厘

舊升科地七十頃每畝銀二分額徵銀一百四十兩

新升科地一百九十三頃一十三畝每畝銀二分額徵銀

三百八十六兩二錢六分

八項官徵旗租地原數一百九十五頃六十七畝八分九

厘原徵額銀一千九百零五兩四錢六分八厘六毫今依

清查數目已留佃地一百三十二頃九十五畝六分七厘

每畝二分四分不等共徵銀二百九十四兩二錢九分四

厘下餘未留佃地六十二頃七十二畝二分二厘仍行催

督接續處分升科

租籽地卽前清王公圈地四百六十四頃三十六畝每畝

徵銀一分五厘共徵銀六百九十六兩五錢四分

以上共計地一千六百八十六頃九十六畝八分九厘內

除未留佃旗地六十二頃七十二畝二分二厘待行催督

升科外共徵銀三千零二十四兩五錢七分六厘

雜稅屬國家稅者

田房契稅

按民國十一年徵收數計洋一千二百二十九元

當稅

額徵洋四十元

酒稅

牛驢騾馬行歲納稅額銀洋一百五十一元

斗行歲納稅額銀洋一千五百元

猪行歲納稅額銀洋二百一十九元

蓆行歲納稅額銀洋一百二十五元

屠宰稅

平谷縣志

卷一

三十七

印花稅

按民國十一年征收數計洋五十二元

雜稅屬地方稅者

附支出各項

地畝隨糧帶徵稅民旗地一千零二十六頃每畝徵銅元

四枚共約銀洋三千九百二十元

租籽地

即清室王
公圈地

四百頃每畝銅元二枚

田房契附加稅年約收銀洋三百元

斗行附加稅年約一百元

驢肉捐年納東錢一千三百吊合洋一百五十四元七角

棉花捐東錢七千零一十六吊合洋八百二十五元二角三分
果木捐東錢六千二百六十六吊合洋七百四十五元九
角五分

荆條公益捐二十元

附支出

勸學所支三百二十四元

高等小學校支七百六十五元

第一模範國民學校支一百零八元

平谷縣志

卷一

三十八

第二模範國民學校支八十六元

女子國民學校支三百六十元

五區國民學校補助年約一千四百元

按三十五處計算

警察補助約大洋四百五十元

會計經理處年支五百六十四元

教育觀摩會年支一百五十元

假期教員講習會年支一百元

通俗週刊報價五十一元

巡行教員常年薪水二百八十八元

第三中學附設師範講習所肄業生膳費一百五十元

審核會二百四十元

土產

周禮以土會之法辨土地之物凡生川澤丘陵墳衍原隰各有所宜焉其辨土宜驗物性充國賦利民用亦志之所必載者故志土產

穀類

平谷縣志

卷一

三十九

粟種類甚多

稻有糯有秈糯黏稻也秈稻之不黏者

黍有黑白紅黃蠶五種

稷有黑白黃三種俗稱之糜子

粳

梁有黑

白二種似粟而大

麥有大麥春麥秋麥蕎麥

稗

芝蔴

菊秫

草黍一名慧苡

豆有青

黃黑菘白紅六種又有茶豆豌豆

花類

菊種色不一

石竹

萱一名忘憂

八仙

望江南

珍珠

葵有紅白紫黃粉

紅數種

芍藥有紅白二種

山丹

鷄冠有紅白二色

榴花有紅白二色子有甘酸二味

玉簪

金盞

鳳仙

滴滴金

剪春羅

木槿

梅桂色紅性香其莖有刺

長春一名四季花

丁香

馬蘭

金銀花

葛花

菓類

紅棗 栗 杏 蒲萄 桃 有櫻桃金桃秋桃宣桃麥熟桃 羊棗 核桃 梨

有香水紅銷鶴頂紅雪花鵝錦糖秋白數種

李 有玉黃青翠牛心紅鴈過紅鷹香紅串鵲紅數種

銀杏 頻婆 虎喇賓

沙菓 柿 西瓜 文官菓 甜瓜

菜類

葱 韭 蒜 芹 蔓菁 芥 白菜 萵苣 蘿蔔 有紅

白二種又有胡蘿蔔

茄 瓜 有王瓜東瓜稍瓜倭瓜數種

芫荽 藤蒿 莧菜 蒼蓬

菠菜 木欒芽 黃花 香椿 甜菜 蕨菜 蘑菇 有荊

平谷縣志

卷一

四十

榛松棟榆柳數種 木耳

草類

萍 蒲 艾 蒿 茅 苔 牛舌 猪耳 星星 瓦

松

木類

榆 槐 栢 椿 松 桑 楊 柳 橡 椴 楮

藥類

蒼朮 黃芩 菖蒲 地黃 半夏 牽牛 蒺藜 薏

苡仁 車前子 瓜蒌 益母草 細辛 柴胡 芍藥

防風 升麻 苦參 桔梗 知母 酸棗仁 地骨

皮 兔絲子 葛根 商陸 黃精 黃栢 葶麻子

禽類

鵝 鴨 鷄 鶯 鷹 鷓鴣 鶴 鷓 鵠 鴈 布

穀 鶻 鶻 班鳩 鴛鴦 天鵝 鷺鷥 老鸛 喜鵲

八哥 黃鸝 鴟鴞 赤烏 紫燕 黎鷄

獸類

平谷縣志

卷一

四十一

豹 牛 羊 馬 騾 驢 猪 犬 麇 鹿 兔

狐 虎 獾 貓 刺猬 花狸 松鼠 狼

魚類

鯉 鯽 鱸 鮎 蝦 蟹 鼈 泥鰍 石連 王瓜

魚

蟲類

蠶 蜂 蝴蝶 蛾 螢 蚊 蠓 促織 蛇 蠍

蚯蚓 蠍 虎 蟬 蝙蝠 蝦蟆 蠅 蟻 蜘蛛 螳

螂 蝸牛

貨類

絲 蜂蜜 花椒 靛 棉花 麻 石灰 蠟

清朝力差

知縣門子二名 皂隸十四名 民壯五十名

內撥補承德府五古北口員外四大興縣

丞四武清楊村縣丞一河西務主簿四宋流口縣丞二本處三十 馬快八名 庫子四名 斗級四名 吹

鼓手四名 轎傘扇夫七名 禁卒八名 鋪兵十一名

更夫八名 忤作二名 縣學齋夫三名 門斗二名

平谷縣志

卷一

四十二

膳夫二名

典史門子一名 皂隸四名 馬夫一名

城隍廟戶一名 雙忠祠戶一名 三等公額祠戶一名

先農壇戶一名 農夫二名

民國

糧差三十四名 法警五名 承發吏六名 看守八名

檢驗吏男女各一名 椽史一名 錄事三名 書記三

名

惠政

邊儲附

周禮以九兩係邦國之民曰師以賢得民曰藪以富得民蓋富而後教固爲政之序而足食強兵乃圖治之急平谷密邇京師儲蓄亦當有備倉廩實而禮節可興軍需具而國威可振其所係顧不重哉故志惠政

本縣預備倉

官立常平倉

公立社會

平谷縣志

卷一

四十三

留養局

舊址在縣城西南藥王廟西南隅今廢

光緒年間慈禧太后恩賞銀二百五十兩孤貧二十名每名年給銀三兩六錢閏增銀六兩每名冬衣布花銀二錢七分八厘三毫四絲九忽年由正賦留支銀七十七兩五錢六分七厘閏增銀六兩厥後奉文裁免不准留支

民國九年

倉廩實數

官立常平倉廩三間在縣署東現存倉額穀五百五十五石三斗零一合

公立社倉倉廩二間在縣署東現存額穀二十六石二斗二升九合

公立義倉倉廩十一處

附儲城內常平倉義穀四十六石四斗二升

城內高小學校東側倉廩三間儲穀四百二十一石五斗

於民國元年減價平糶發商生息現未買穀還倉

南獨樂河鎮倉廩四間儲義穀一百五十四石九斗七升

九合恩穀一百一十三石四斗二升一合

望馬台倉附儲廟宇內義穀一百七十石恩穀三十七石八斗零七合

夏各莊倉廩三間儲義穀二百零五石五斗

岳各莊倉廩一間儲義穀一百九十八石七斗九升三合

恩穀三十七石八斗零七合

東高村倉附儲廟宇內義穀一百五十七石恩穀三十七

石八斗零七合

西鹿角倉廩一間儲義穀一百三十七石恩穀三十七石

八斗零七合

小辛寨倉廩二間儲義穀一百四十九石恩穀七十五石
六斗一升四合

中胡家務倉廩一間儲義穀一百九十九石恩穀三十七
石八斗零七合

瀝津莊倉廩一間儲義穀一百五十二石

留養局於清慈禧太后恩賞銀二百五十兩改折大洋三
百五十七元一角四分三厘交商生息按一分五厘年得

平谷縣志

卷一

四十五

息銀洋六十四元二角八分五厘歷年於陰曆十一月初
一日派員儘數散給貧民

自孤貧口糧裁免民國四年邑令沈公銓詳明官荒地一
處計地七十二畝三分年得地租東錢二百八十九吊二
百文歷年於冬春二季按口分給

邊儲

蓄豆倉廩二間在縣署東應儲七社屯黑豆舊額徵七社
屯黑豆二百零六石二斗一升八合自民國五年奉令變

更每石改折大洋三元共洋六百一十八元六角五分四厘

